

ELKARRIZKETA

Getaria eta Orio dira Udalerrri Euskaldunen Mankomunitatearekin (UEMA) bat egitea erabaki duten azken herriak. Josu Ezenarro eta Mirari Arruabarrena, Getariako eta Orioko alkateak, hurrenez hurren, ezinbestekotzat jo dute Udalerrri Euskaldunen Mankomunitatean sartzea, herrion euskalduntzea erabatekoa izango bada.

MIRARI ARRUABARRENA

ORIOKO ALKATEA



ANDONI CANELLADA / ARGAZKI PRESS

«Taldeko lanak erraztu egiten du euskararen normalizazioaren aldeko lana»

UEMA sartzeko arrazoienguruz mintzatu da Mirari Arruabarrena, eta baita Orioko euskararen egoeraren gainean ere.

■ Nolatan erabaki duzue UEMAn sartzea?

Herri barruan euskararenganako sentsibiltatea dago, eta udalean ezin gara geratu horri erantzuna eman gabe. Prest gaude administrazio mailan egin behar diren esfortzuak egiteko: hitz batean, euskararen normalizaziorako hartu beharreko konpromisoak hartzeko.

■ Zein da euskararen egoera Orion?

UEMA sartzeko eskatzen diren baldintzak erraz gaidintzen dira Orion. Gehiengo handi bat euskalduna da. Talde bi bereizi behar dira: alde

batetik, jende nagusia. Euskaldun zaharrak izan arren, alfabetatu beharrean daude asko. Bestetik, gazteak daude, euskaldun alfabetatuak. Orion ahalegina egin da euskaldun zahar horiek alfabetatzeko. Ikusi besterik ez dago hainbat eta hainbat ikastaro egin direla helburu horrekin.

■ Eta udal barrura begira, zelan dago egoera?

Garbitzaileen taldeko bat edo beste kenduta, gainerako langileak euskaldunak dira. Udalako tramitazioak euskaraz

egiten dira; aurretik egindako lana badago, beraz, baina argi dago administrazioan eskatzen den euskara maila egokirako urratsak egin beharra dagoela.

■ Zer ekarriko dio Oriori Udalerrri Euskaldunen Mankomunitatean sartzeak?

Elkarlanean gauza asko egiten dira. Bakoitzak bere aldeetik lan egitea baino probetxugarriago da denok batera lan egitea, bakarrik ibiltzeak gauzak zaildu egiten baititu, eta, ostera, denok elkarrekin jarduteak erraztu. Laguntza jaso eta emateko prest gaude.

■ Nola ikusten duzu geroa? Beti herri euskaldun sentitu izan gara, eta UEMAn sartzeak, euskarari dagokionez, aurrerapausoak emateko balio badu, ongi etorri!

UEMA

«Laguntza jaso eta emateko prest gaude»

JOSU EZENARRO

GETARIAKO ALKATEA

«Ilusio handiarekin sartu gara UEMAn»



GARI GARAIALDE / ARGAZKI PRESS

Getariako Udalbatzak duela gutxi erabaki du UEMAn sartzea, Josu Ezenarro alkateak EGUNKARIARI esan dionez.

■ Noiz erabaki zenuten UEMAn sartzea?

Erabaki formala orain dela aste bi hartu genuen, nahiz eta, aurretik, hainbat eta hainbat bilera egin ditugun UEMAn gorabehera guztiak ezagutzeko. Gauza bategatik edo besteagatik, pixka bat atzeratu egin zaigu erabakia hartzeko unea, baina hartu dugu.

■ Zergatik ikusten duzue premiazko Getaria UEMAn egotea?

Euskalduntzea erabatekoa izateko urrats garrantzitsua dela uste dugu. Euskararen egoera ez dago erabat formalizatuta, eta euskara arlo guztietara hel dadin, premiazkoa da horrelako urratsak egitea, hau da, euskara atal guztietan erabiltzen ohitzen joatea, bai herrira bai Udalera begira.

■ Zer abantaila ikusten dizkiozu UEMAn sartzeari Udaletxe barrura begira?

Askotan, euskalduntzeko legeak ipintzen dira, baina ez dira betetzeko errazak izaten. Erabateko euskalduntzea erraztu egingo da UEMAn sartzen garenean.

■ Zelako egoeran dago Getaria euskarari dagokionez?

Herri euskalduna gara. %100ek erabiltzen dute euskara bere eguneroko bizitzan, ahozko harremanetan, baina hori baino harago joan behar da. Jende asko dago euskaraz ikasi ez duena, eta horiei kostatu egingo zaie ohiturak aldatzea. Pausoz pauso lortzen joango den gauza da.

■ Zelan baloratzen duzue egingo duzuen urratsa?

Ilusio handiarekin sartu gara. Euskara arloko zinegotziak indar handia egin du une hau hel dadin, eta horren fruitu da hartutako erabakia.

ONDARROAKO UDALA

EUSKAL PRESOK

EUSKAL HERRIRA

Zorionak UEMA

DANOK LEKEITIORA EUSKARA BULTZATZEA

BERMEOKO UDALA

*Euskara bizi bedi
Euskaraz bizi beti*

Ekainaren 9an denok Lekeitiora

bidaide gogaide

EUSKAL HERRIKO MENDI TXANGOEN:

- Datuak
- Ibilbidea
- Jakinarriak

www.Egunkaria.com/bidaide